



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXXXII. Ludovici II. Imperatoris praeceptum pro Ecclesia Viennensi.

urn:nbn:de:hbz:466:1-22974

Vide anna-
les Berri-
nianos ad
an. 870. &
71.

sanctæ Dei Ecclesiæ nostrorumque præsentium ac futurorum industria quia Gerardus spectabilis Comes nostræ reverenter innotuit celsitudinē qualiter Ecclesia sancti Mauricii Viennensis, ubi Agilmarus venerabilis Archiepiscopus præesse dinoscitur, quædam villa seu Ecclesiæ præfate jam tempore mundi præveniente cupiditate substracta fuerint & quibusdam laicis hominibus sub in temeritate beneficiatæ, ex quibus etiam isdem Gerardus per beneficium piissimi genitoris nostri quondam Hlotharii obtinebat in pago Viennensi seu in comitatu Tolviolenfi Giniaciam villam atque Ecclesiam sancti Marcelli martyris extra muros urbis Viennæ sitam inter duo castella Heumedium scilicet & Crappum, quod præfatus Gerardus obtinebat ad beneficium, sed isdem Comes inluster pariter cum Remigio Lugdunenſis sedis venerabili Archiepiscopo de religione Christianitatis & emolumento nostræ mercedis salubri intentione tractans, supplici voto simul nostram precati sunt mansuetudinem quatinus præscriptas villas & præfata Ecclesiam cum omnibus appendiciis suis ad prædictam sancti Mauricii pro amore Dei ac Domini nostri Iesu Christi & æternæ beatitudinis præmio per præ dignanter restitueremus. Quorum saluberrimas preces ad effectum ducentes, hos nostræ iussionis apices fieri censuimus, per quos memoratas villas, sicut supradictum est, Tollianum in pago Viennensi in comitatu Tollianensi, necnon etiam in comitatu Viennensi Giniaciam villam & Ecclesiam sancti Marcelli martyris extra muros urbis Viennæ sitam, qualiter præfatum habetur, inter duo castella constructam, Heumedium scilicet & Crappum, ad iamdictam causam Dei, Ecclesiam videlicet sancti Mauricii, cum omnibus illarum appendiciis & universis ibidem pertinentibus sub integritate restitimus atque reddidimus, quatinus per hoc nostræ auctoritatis seu confirmationis præceptum quicquid ex hac deinceps causa tam Agilmarus ejusdem urbis Viennensis Archiepiscopus vel successores ejus quam quilibet Advocatus & rector ipsius Ecclesiæ iuste ac rationabiliter elegerint vel voluerint, liberam in omnibus habeant in Dei nomine perpetualiter faciendi potestatem, absque cujuslibet duntaxat repetitione seu qualibet injusta contrarietate. Et ut hoc nostræ auctoritatis præceptum à fidelibus Ecclesiarum Dei ac nostris verius credatur atque perennis temporibus inviolabiliter sub inconverso rigore conservetur, manu propria roborare studuimus, & anuli nostri impressione subter assignari iussimus. Signum Karoli Regis gloriosi. Deidonus Notarius ad vicem Heicardi recognovit.

LXXII.

Ludovici II. Imperatoris præceptum
pro Ecclesia Viennensi.

An. 878.
Ex eodem
chartulario.

IN nomine sanctæ & individue Trinitatis. Hludovicus divina ordinante providentia Imperator Augustus. Si sacerdotum ac servorum

Dei petitionibus, * quibus nobis pro suis necessitatibus innotuerint, ad effectum perducimus, non solum imperialem consuetudinem exerceamus, verum etiam ad beatitudinem retributionis mercedem talia nobis faciendi profutura confidimus. Proinde comperiat omnium fidelium nostrorum industria præsentium scilicet & futurorum quoniam venerabilis sanctæ Viennensis Ecclesiæ Ragamfredus Archiepiscopus necnon & sacri palatii nostri Notariorum nostrorum summus nostræ celsitudinis excellentiam saluberrimis expetiit precibus quatinus serenitas magestatis nostræ sanctæ matris Ecclesiæ Viennensi sanctæque Mauricio, cui isdem Præfatus præesse atque prodesse dinoscitur, res & prædia universa quacunquē vel in quibuscunque locis & regnis seu comitatibus sita vel reperta esse noscuntur, quas prædecessores nostri gloriosi Imperatores & Reges necnon & sancta Romana Ecclesia per præcepta & sacra privilegia à primitiva Ecclesia penè ejusdem matris Ecclesiæ sancti Mauricii Viennensis metropolim ad nostra usque tempora pia devotione piæque largitione contulerunt, seu quacunquē viri religiosi de suis propriis * creditibus eandem exornaverunt, per nostræ largitionis præceptum immo imperialem auctoritatem perennis ejusdem Ecclesiæ universa quæque habenda temporibus confirmaremus. Nos quoque iustam immo rationabilem petitionem ejus libentissimè adjuvantes hoc serenitatis nostræ præceptum fieri censuimus, per quod specialis mater nostra Ecclesia Viennensis immo sanctus Mauricius omnes res & villas, monasteria quoque, & immunitates, ac omnia prædia ejusdem matris Ecclesiæ ex temporibus antiquioribus usque nunc jure possessionis debite quæ infra imperium ditionis nostræ ubicunque nota & cognita ac reperta fore noscuntur, indissolubili firmitate & inmodatione perpetua obtineat. Unde & modis omnibus auctoritate imperiali jubendo præcipimus atque præcipiendo decernimus ut nullus Comes, nullus iudex publicus, nec quislibet ex judiciaria potestate, vel ullus ex fidelibus Christianis in Ecclesiis, loca, vel agros, seu in reliquis possessionibus præfate matris nostræ Ecclesiæ Viennensi in quibuslibet curtis & territoriis quas tempore moderno iuste & rationabiliter possidere videtur, quæque etiam deinceps aut per nos aut per quorumbet fidelium devotione divina pietas augeri voluerit, aut fredda exquirat, aut francos vel servos distringere audeat, neque etiam ad judicium publicum venire compellat, sed sint sub tuitione atque ordinatione & immunitate seu defensione matris Ecclesiæ sancti Mauricii suoque Pontifici atque rectori. Super hæc omnia, quicquid per negligentiam rectorum à pravis hominibus ablatum atque avulsam vel direptam est, sub omni integritate usque inexquisitum reddimus. Ut autem hæc nostræ confirmationis auctoritas nostris futurisque * Domino protegente inviolabilis & inconversa permaneat, manu propria subter firmavimus, & anuli nostri impressione assignari iussimus.

Signum Hludovici serenissimi Augusti.
Tendo Notarius ad vicem Ragamfredi Archicancellarii recognovit.

* hereditatibus

* temporibus

Datum Viennæ civitate anno Deo propitio imperij IIII. Domini nostri Hludovici serenissimi augusti, II. scilicet Kal. Novembris, Indictione v 11.

Actum Viennæ urbi in Christi nomine feliciter. Amen.

LXXXIII.

Ejusdem Ludovici præceptum pro eadem Ecclesia Viennensi.

An. 859.
Ex eodem
chartula-
rio.

IN nomine Domini nostri Iesu Christi Dei æterni. Hludovicus divina ordinante providentia Imperator Augustus. Si sacerdotum ac servorum Dei petitiones, quas nobis pro suis innotuerint necessitatibus, ad effectum perducimus, non solum consuetudinem imperialem exercemus, verum etiam ad beatitudinem retributionis mercedem talia nobis faciendi profutura confidimus. Itaque omnium fidelium sanctæ Dei Ecclesiæ ac nostrorum presentium & futurorum competat magnitudo quoniam Ragamsfredus venerabilis sanctæ Viennensis Ecclesiæ Archiepiscopus necnon & sacri palatii nostri Notariorum summus atque Hugo nobilissimus Comes & carissimus propinquus noster presentiam nostri accedentes innotuerunt quandam partem villæ quæ vocatur Fornis in comitatu Viennensi sitam, temporibus præcis à religiosis Christianis matris Ecclesiæ sancti Mauricii Viennensium Urbis conlatam, non longo tempore præterito inter reliquarum subtractionem rerum injustè ob incuriam priorum prælatorum ejusdem Ecclesiæ actuorum fuisse sublata. Unde serenitatem nostram suppliciter expetierunt quatinus ob amorem Christi, necnon & pro levamine & memoria genitorum nostrorum, quorum corpora in eadem matre Ecclesia fore noscuntur humata, ac pro amabili eorum deprecatione, jam dictam partem villæ Fornis quæ injustè subtracta fuerit, unà cum Ecclesia sancti Nazarij consecratam, cum omni familia utriusque sexus ejusdem villæ sancti Mauricii juris pertinentia cum redditibus universis ac possessionibus justè redderemus, ac reddentes præfate matris Ecclesiæ sancti Mauricii præcepto nostræ auctoritatis confirmaremus. Quorum precibus ob emolumento mercedis nostræ & genitorum nostrorum ac propter diutinum famulatum nobis sincerissime ab ipsis exhibitum libentissime annuentes, hoc serenitatis nostræ præceptum fieri censuimus, per quod memoratæ Ecclesiæ sancti Mauricii jamdictam partem villæ Fornis cum omnibus sibi justè & legaliter pertinentibus, videlicet cum domibus ceterisque ædificiis Ecclesiasticis ac terris cultis & incultis, vineis, pratis, & silvis, aquis aquarumque decursibus, mancipia etiam utriusque sexus & ætatis, quasitum & inquisitum, omnia & in omnibus prælibatæ Ecclesiæ sancti Mauricii suisque rectoribus reddimus ac reddita perpetuis temporibus eorum utilitatibus subesse volumus atque prodesse. Volumus namque atque dignum esse decernimus ut Teudo ejusdem matris Ecclesiæ filius & Presbyter, qui pro supra nuncupatis rebus magnum dedit studium & laborem

improbum ut pristina restituerentur potestati, Vboldus nepos ejus Clericus in id ipsum præfatam sancti Nazarij Ecclesiam cum omnibus rebus, sicut supra lecta & nota esse noscuntur, omnibus diebus vitæ illorum jure possideant usitatio & sub sua ordinem dispositione absque alicujus hominis contradictione. Ut autem nostræ auctoritatis conlatio & restitutio firmiorem obtineat vigorem, manu propria subter firmavimus, & anuli nostri impressione adsignari iussimus.

Signum Hludovici serenissimi Augusti.
Arnulfus Notarius ad vicem Ragamsfredi Archicancellarij recognovit.

Datum Viennæ urbi v 11. Kal. Novemb. anno imperij v. Domini nostri Hludovici serenissimi Augusti in Dei nomine feliciter. Amen.

LXXXIV.

Karoli Calvi privilegium pro Ecclesia Augusodanensi.

IN nomine sanctæ & individue Trinitatis. Karolus gratia Dei Rex. Si ecclesiasticas sanctiones atque decreta nostro confirmamus edicto, proculdubio regie celsitudinis morem exequimur, atque apud æternam retributionem hoc ad emolumentum animæ nostræ nullatenus ambigimus pertinere. Quapropter noverit omnium sanctæ Dei Ecclesiæ fidelium solertia nostrorumque tam presentium quam futurorum quia Ionas venerabilis Præsul Eduorum Ecclesiæ, quam constat esse in honore sancti martyris Christi Nazarij dicatam, adiens culmen nostræ celsitudinis, obtulit obtutibus nostris quoddam privilegium Episcoporum atque Abbatum manuum robotatum; in quo continebatur insertum qualiter idem Ionas, divino tactus amore, pro Dei honore & reverentia beati Nazarij martyris Christi, Canonicorum ejusdem matris Ecclesiæ curam gerens, & perpendens quòd canonicè degere neque ibidem Deo deservire possent, propiciens primum illorum habitum officinarum inconvenientem & penè nullum esse comparatione aliorum, juxta morem aliarum urbium claustra illis construere officinasque congruiores & aptiores ad usus eorum ædificare studuit. Et licet quædam res ecclesiasticæ ad supplementum eorum & victum administrandum à prædecessoribus suis illis conlatæ fuissent, tamen pro quantitate sui atque difficultate itineris, quia longè ab urbe distabant, penuriam sæpissime pati solebant cotidiani victus. Et ut penitus hæc occasio eis tolleretur, receptis eisdem rebus, hoc est, Carimanno & Tillido villis, cum Fisciaco, ad usus eorum in pinguiori atque viciniore loco Marcaffolium villam indominicatam, & Simpiniacum similiter indominicatam, cum beneficio quod Ragenfredus quondam ex eadem villa habuit, ad cotidianum victum & potum eis ministrandum delegavit, & per idem privilegium confirmavit cum Anlaciaco villa, quæ olim eis à Domino Modoino collata fuerat, hoc decernens, ut ibidem quinquagenarius Canonicorum numerus non transgrediat, donec Deo opitulante prædictæ res augmententur, & nullus census

An. 859.
Ex chartulario
Ecclesiæ
Augusodanensis.